



Broj:T18 0 KT 0014008 19
Brčko, 08.05.2020. godine

Na osnovu člana 35. stav (2) tačka i) i člana 226. Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

1. **HALILOVIĆ SUANA** rođen ...1979. godine u Brčkom, ... nalazi se u pritvoru po Rješenju Osnovnog suda Brčko distrikt BiH o određivanju pritvora broj 96 0 K 127122 19 Kpp 2 od 06.12.2019. godine, Rješenju Osnovnog suda Brčko distrikt BiH o produženju protvora Osnovnog suda Brčko distrikta broj 96 0 K 127122 19 Kpp 11 od 30.12.2019 godine i Rješenju Osnovnog suda Brčko distrikt BiH o produženju protvora Osnovnog suda Brčko distrikta broj 96 0 K 127122 19 Kpp 15 od 02.03.2020. godine, koji pritvor mu je produžen, isti traje do 04.juna 2020. godine do 04,40 sati,
2. **ŠABANOVIĆ SAMIDA** ... rođen ...1999 godine u Tuzli ... nalazi se u pritvoru po Rješenju Osnovnog suda Brčko distrikt BiH o određivanju pritvora broj 96 0 K 127122 19 Kpp 6 od 10.12.2019. godine, Rješenju Osnovnog suda Brčko distrikt BiH o produženju protvora Osnovnog suda Brčko distrikta broj 96 0 K 127122 19 Kpp 11 od 30.12.2019 godine i Rješenju Osnovnog suda Brčko distrikt BiH o produženju protvora Osnovnog suda Brčko distrikta broj 96 0 K 127122 19 Kpp 15 od 02.03.2020. godine, koji pritvor mu je produžen, isti traje do 07.juna 2020 godine do 23,30 sati,
3. **HUKIĆ NIHADA** ...rođen ... 1993 godine u Maoči ... nalazi se u pritvoru po Rješenju Osnovnog suda Brčko distrikt BiH o određivanju pritvora broj 96 0 K 127122 19 Kpp 2 od 06.12.2019. godine, Rješenju Osnovnog suda Brčko distrikt BiH o produženju protvora Osnovnog suda Brčko distrikta broj 96 0 K 127122 19 Kpp 11 od 30.12.2019 godine i Rješenju Osnovnog suda Brčko distrikt BiH o produženju protvora Osnovnog suda Brčko distrikta broj 96 0 K 127122 19 Kpp 15 od 02.03.2020. godine, koji pritvor mu je produžen, isti traje do 04.juna 2020. godine do 03,20 sati,
4. **DJEDOVIĆ SUVADA** ... rođen ... 1997. godine u Tuzli ... nalazi se u pritvoru po Rješenju Osnovnog suda Brčko distrikt BiH o određivanju pritvora broj 96 0 K 127122 19 Kpp2 od 06.12.2019. godine, Rješenju Osnovnog suda Brčko distrikt BiH o produženju pritvora Osnovnog suda Brčko distrikta broj 96 0 K 127122 19 Kpp 11 od 30.12.2019 godine i Rješenju Osnovnog suda Brčko distrikt BiH o produženju protvora Osnovnog suda Brčko distrikta broj 96 0 K 127122 19 Kpp 15 od 02.03.2020. godine, koji pritvor mu je produžen, isti traje do 04.juna 2020. godine do 3,20 sati

Što su:

Dana 17.11.2019. godine, u vremenskom periodu od oko 18,30 pa do 22,00 sata, na području Brčko distrikta BiH, po prethodnom dogovoru, a nakon što ih je Halilović Suan, telefonom kontaktirajući, okupio, da u sastavu grupe, pretuku Zejčirović Edina i da tako od njega iznude dug kojeg je imao prema Halilović Suanu, putničkim motornim vozilom marke „Peugeot 607“, vlasništvo Halilović Suana, dovezli se do naselja Novo Brčko, gdje su, nakon što je Djedović Suvad telefonom kontaktirao, Zejčirović Edina,

predstavljajući se, navodno, kao kupac određene količine „speed-a“, nagovorili Zejćirović Edina da dođe u ugostiteljski objekat „Stela“, nakon čega su ga, u namjeri da mu protivpravno oduzmu i ograniče slobodu kretanja, namamili da uđe u to vozilo i to tako što mu je Halilović Suan ponudio opciju kvitanja duga u zamjenu za gume i felge koje bi mu Zejćirović Edin donio sa određene lokacije, koju lokaciju mu, navodno želi pokazati, u kojem vozilu su ga nakon toga, vozeći se nasumice po gradu Brčko, i to dok je Hukić Nihad vozio a Halilović Suan sjedio na mjestu suvozača a Djedović Suvad na zadnjem desnom sjedištu te Šabanović Samid na zadnjem lijevom sjedištu, dok je Zejćirović Edin sjedio u sredini zadnjeg sjedišta, odmah počeli udarati i to Halilović Suan otvorenim šakama po licu tražeći da mu isplati određeni iznos novca i to oko 2.000,00 KM na ime duga, a Šabanović Samid i Djedović Suvad pesnicama po tijelu pa iako je Zejćirović Edin molio da ga puste i da ga ne udaraju, rekavši da će naći načina da vrati dug, a da kod sebe ima oko 170,00 KM koje je i dao Halilović Suanu, Halilović Suan je rekao Hukić Nihadu da vozi u pravcu Orašja, a potom prema Vučilovcu i sve do obale Save pa kada su se zaustavili na nasipu, Šabanović Samid je odmah još u vozilu pretukao Zejćirović Edina udarajući ga pesnicama u predio stomaka od kojih udaraca je Zejćirović Edin bolno jaukao gubeći dah i moleći da ga ne udara, a nakon toga su ga izvukli iz vozila pa dok je ih Halilović Suan bodrio riječima „Udrite ga, ubijte ga“ svi zajedno su ga počeli udarati nogama i pesnicama po tijelu i glavi od kojih udaraca je Zejćirović Edin bolno jaukao, moleći ih da prestanu, a kada se Zejćirović Edin usljed tih udaraca, skotrljao sa nasipa Save, nastavili su ga udarati zatvorenim šakama i nogama po svim dijelovima tijela i glavi, šutirajući ga i gazeći i sve to bezosjećajno uživajući u premlaćivanju Zejćirović Edina, naizmjenično su Suan, Nihad i Suvad snimali, Suanovim telefonskim aparatom, svjesni da mu time nanose teške fizičke povrede po vitalnim dijelovima tijela i to glavi i grudnom košu i da ga tako mogu usmrtniti pa su na to i pristali nastavljajući ga udarati kojom prilikom je Šabanović Samid šutirajući Edinovu glavu kao loptu istog bacio u Savu, gdje je Zejćirović Edin tako polomljen, krvav i od otoka zatvorenih očiju i promrzao, bolno jaukao i molio da mu pomognu da izađe iz vode, pa kada mu je Djedović Suvad pružio ruku i tako ga izvukao iz Save ponovo su ga tako pretučenog i promrzlog dok je on ležao na zemlji i molio da prestanu nastavili udarati nogama i pesnicama po tijelu i glavi, a kada je Halilović Suan iz auta iznio „elektrošoker“ i kombinirke Hukić Nihad je udarao po glavi Zejćirovića tim elektrošokerom, a Šabanović Samid je nastavio udarati Zejćirović Edina šutirajući ga i gazeći nogama, po svim dijelovima tijela i glavi dok je Zejćirović Edin samo bolno mrmrljao i ječao, pa kada je Halilović Suan uzeo kombinirke prijeteći da će mu polomiti prste, i dok je Djedović Suvad držao Zejćirović Edina za lijevu ruku, Halilović Suan je Zejćirović Edinu, tim kombinirkama, jako pritisnuo srednji prst desne šake a potom se bezosjećajno popišao po glavi i ležećem tijelu Zejćirović Edina, govoreći da mu time sapire krv, nakon čega je Šabanović Samid ponovo udarcima nogu, Zejćirović Edina, bacio u Savu koji je tako pretučen i promrzao molio da ga ne ostavljaju i da ga povezu makar u gepeku, nakon čega su, iako svjesni da su Zejćirović Edinu nanijeli teške povrede vitalnih dijelova tijela i to glave i grudnog koša, od čega je Zejćirović Edin bio vidljivo polomljen, krvav i natečen i bespomoćan na tom pustom mjestu i da sam ne može izaći iz vode, svjesni da se u takvom stanju može utopiti, pa su na to i pristali i bezosjećajno sjeli u vozilo i odvezli se, kojom prilikom su Zejćirović Edinu nanijeli brojne povrede u predjelu glave, gornjih udova, u predjelu desnog kuka, te slabinskog predjela obostrano i grudnog koša i to sprije v da i straga, u vidu sedam krvnih podliva kože i potkože stražnje strane grudnog koša i slabinskog predjela obostrano, dva krvna podliva kože i potkože prednje desne bočne strane grudnog koša, jednu razderno-nagnječnu ranu tipa prskotine kože lijevog tjemenog predjela glave, najmanje četiri krvna podliva ličnog dijela glave i to u predjelu oba oka, u predjelu gornje polovice hrbata nosa, te u predjelu gornje i donje usne sa najmanje dvije prskotine sluznice gornje, tri krvna podliva kože i potkože obje ruke i to jedan u predjelu nadlanice lijeve šake i jedan u predjelu gornjeg članka srednjeg prsta desne šake i jedan donjeg dijela podlaktice, dva krvna podliva tkiva poglavine i to jedan u donjem lijevo čeonom i jedan u gornjem sljepoočnom predjelu, dvije krvne podlivenosti potkožnih mekih tkiva prednje strane grudnog koša lijevo u predjelu nastavka grudne kosti, u sklopu krvnog podliva srednje-gornjeg dijela prednje strane grudnog koša nastao je prelom grudne kosti u nivou hvatišta trećeg i četvrtog rebra i krvna podlivenost nasrčnice na prednjoj strani gornjeg dijela desne komore srca sa zahvatanjem podnasrčičnog tkiva u dubini od 2-3 mm, u sklopu dva krvna podliva straga u koži slabinskog predjela leđa krvna podlivenost trbušnice straga u donjem dijelu, u sklopu dva krvna podliva poglavine nastala su oštećenja unutar lobanjskog sadržaja, u sklopu krvnih podliva grudnog koša straga, krvne podlivenosti potkožnih mekih tkiva prednje strane grudnog koša lijevo u visini osmog i devetog rebra nastali su serijski prelomi rebara obostrano, usljed kojih povreda se Zejćirović Edin tako bespomoćan ubrzo i utopio,

dakle, na svirep način drugog lišili života i u sastavu grupe ljudi, drugom protivpravno oduzeli slobodu kretanja

čime su, kao saizvršioc, počinili krivično djelo– Ubistvo - iz člana 163 stav 2 tačka 1) Krivičnog zakona Brčko distrikta BiH i krivično djelo – Otmica - iz člana 177 stav 2 u vezi sa stavom 1 Krivičnog zakona Brčko distrikta BiH, a sve u vezi sa članom 54. i 31. istog Zakona.

...

II.I da se optuženom Suanu Halilović izrekne mjera sigurnosti oduzimanje predmeta iz člana 78 krivičnog zakona Brčko distrikt BiH, i to njegovog pmv marke „Peugeot 607“, registarskih oznaka ..., kliješta tzv. kombinirke „Bul max“ sa ručkom crvene boje i mobilnog telefona marke „Huawei“ vlasništvo Halilović Suana, privremeno oduzet od K.M., kao predmeti koji su upotrijebljeni za počinjenje krivičnih djela.

II.II da se PRODUŽI PRITVOR OPTUŽENIMA Suanu Halilović, Samidu Šabanović, Nihadu Hukić i Suvadju Djedović u smislu odredbe člana 137. stav (1) Zakona o krivičnom postupku Brčko distrikta BiH, a sve na osnovu člana 132. stav (1) tačka a) i d) Zakona o krivičnom postupku Brčko distrikta BiH, jer radi se o krivičnom djelu za koje se može izreći kazna zatvora od 10 godina i kazna dugotrajnog zatvora, a koje je posebno teško zbog načina izvršenja i nastale posledice, te da bi puštanje na slobodu optuženih rezultiralo stvarnom prijetnjom narušavanja javnog reda i mira, a kod Samida Šabanovića postoje i okolnosti koje ukazuju na opasnost od bjekstva.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
